



جريدة محاکم

جمعه ايرتسی

نومرو	رمضان	سنه	مارت	سنه	صفیفة
۶۴۴	۵	۱۳۰۹	۲۱	۱۳۰۸	۹۴۲۱

(اشبو غزته بهر هفته جمعه ايرتسی کونلری چيقار . سنه لکی در سعادت ایچون مجیدیه یکر می غروش)
 (حسابیله التمش غروشدر . طشره لر ایچون اون بش غروش پوسته اجرتی ضم اولنور . بهر)
 (ایدیه سی بنه مجیدیه یکر می غروش اولق اوزره یوز پاره یه هر یرده صاتیلور . درج اولنه حق)
 (اعلاناتک هر برندن بر مجیدیه اخذ اولنور . سنه لکنه مشتری اولق استیانلر عدلیه نظارتی)
 (دائره سنده کاشن جریده محاکم اداره سنه مراجعت ایلملیدر)

پول یاشدیر یله جنی و جریان ایدن معاملاتدن
 طولانی اجرا و ویرکو و اراضی مأمورلری
 طرفندن برکونه رسم و خرج ایستنلمیه جکی فی ۳
 ایلول سنه ۳۰۶ تاریخی ذیل نظامک اون دردنجه
 ماده سنده مصرح اولسنه نظراً اشبو ماده نظامیه
 ایله ینه ذیل مذکورک التنجی ماده سی موجبجه
 قیدیه ویرلامک اوزره پولسز برر مذکره ایله
 محلی اجرا دائره لرینه مراجعتله مدیونلره تبلیغ
 ایتدیرلمکده اولان اخبارنامه لری بهری ایچون
 بشقه جه تبلیغ علم و خبری اخذینه لزوم قالمیه حق
 صورتده ایکی طرفلی اوله رق اداره مرکزیه جه

قسم رسمی

(فی ۲۲ شعبان سنه ۳۰۹ وفی ۹ مارت)
 (سنه ۳۰۸ تاریخده بالجمله ولایات استیناف)
 (محکمه سی مدعی عمومی لرینه و مدعی عمومی)
 (بولنمیان محکم مدعی عمومی معاونلرینه یازیلان)
 (تحریرات عمومی صورتیدر)

زراعت بانکه سی شعبه و صندوقلرندن مدیونلره
 تبلیغ ایتدیر یله جک اخبارنامه لره اونر پارده لک

طبع ایتدیر یلان اخبارنامه نك هر طرفه
 کوندریله چکی بیانیه اكا کوره دواتر اجرائیه جه
 ایضای معامله اولنمسی تجارت و نافعہ نظارت
 علیه سندن مبعوث تذکرده اشعار اولسنه و مقام
 سامی حضرت صدارتپناهیدن شرفوارد اولان
 تذکره سامیهده ذیل مبعوث عنہک ۳ ایلول
 ۱۳۰۶ تاریخده بانذکره تبلیغ بیورلدینی
 اکلشامش اولغله احکام مندرجه سنه و نظارت
 مشار الیهانک صورت اشعارینه نظراً اقتضاسنک
 ایضای امر و اشعار بیورلمش اولدیغندن مال سامیسنه
 و ۱۵ تشرین اول سنه ۳۰۶ تاریخده اجراقلنان
 تبلیغات عمومییه نظراً اجرای معامله اولوق
 و مأموریتکز داخلنده بولنان محاکمه تبلیغ
 قلمق اوزره اشبو تخریرانک نسخ مطبوعه
 کافیسی لفا کوندرلمش اولدینی بیانیه .

توجیہات

جزایر بحر سفید ولایتی استیناف محکمه سی

مدعی عمومی لکی صاروخان سنجانغی بدایت محکمه سی
 جزا دائره سی رئیس عزتو عاصم بکه

صاروخان سنجانغی بدایت محکمه سی جزا
 دائره سی ریاستی لئی بدایت محکمه سی جزا دائره سی
 ریاستدن منفصل محمد امین افندی به

بیضا قضاسی بدایت محکمه سی مدعی عمومی
 معاون لکی قره سی بدایت محکمه سی مستنطق
 شوکت افندی به

جسر ارکنه قضاسی بدایت محکمه سی ریستی
 دیار بکر استیناف محکمه سی جزا دائره سی ریاستدن
 منفصل عزتو فتحی بکه

جزایر بحر سفید ولایتی داخلنده پولنت
 بدایت محکمه سی ریاستی مدلو مستنطق حبیب
 افندی به تفویض بیورلمشدر .

بصره بدایت محکمه سی مستنطق اوللکنه
 گربلا بدایت محکمه سی مستنطق اسبق محمد
 فهمی افندی

قره سی بدایت محکمه سی مستنطق بکنهز
 مقاولات محرری محمود افندی به

سینوب سنجانغی بدایت محکمه سی باش کابتنه

ارضروم ولایتی استیناف محکمه سی ضبط کتبه سندن
 طورسون افندی به

قره مرسل بدایت محکمه سی مستنطقلغنه
 ایچ ایل بدایت محکمه سی مقاولات محرر لکنندن
 مستعفی سعید افندی به

کوتاهیه بدایت محکمه سی اجرا مأمور لغنه
 محکمه مذکورہ مقاولات محرری مصطفی
 افندی تعیین قلمشدر .

قیطره قضاسی بدایت محکمه سی مدعی عمومی
 معاون لکی وکالتنده بولنمش اولان عبده افندیکنک
 مواد متعدده خلاف حکم نظام معاملات ایله
 وظیفه سی سوء استعماله مجاسرت ایلدیکی سوریه
 مدعی عمومی لکنندن مبعوث اوراق تحقیقیدن
 نمایان اولسنه بناء مومی الیهک تحت محاکمه یه لنمسی
 ضمننده عدلیه نظارت جلیله سندن مذکور مدعی
 عمومی لکه امر ویرلمشدر .

قسم غیر رسمی

صاروخان سنجانغی بدایت محکمه سی جزا
 دائره سنک ۱۹ ربیع الاول سنه ۳۰۷ و ۱۹ تشرین

ثانی سنه ۳۰۵ تاریخ و یوز طقسان نومرولی
 اعلامیله اوراق متفرعه سی باش مدعی عمومی لک
 مأموریت علیه سندن ۲۲ محرم سنه ۳۰۹ و ۱
 اغستوس سنه ۳۰۷ تاریخ و بیگ سکر یوز
 اوتوز سکر نومرولی تبلیغنامه ایله محکمه تمیز
 جزا دائره سنه کوندردلیکنندن مطالعه اولندی

اعلام مذکورک مفادی امام اوغلی نعمانی
 جرح و قتل و نقود اشیاسنی سرقت ایلدکری
 ادعا اولنم سندن طولایی جنایتله اتهام اولنان
 حسن اوغلی مصطفی و یوز باشی اوغلی محمد بن
 مصطفانک بغیر قصد ضرب ایله قتل مذکورہ
 سببیت ویرلمندن طولایی قانون جزانک یوز
 یتش یدنجی ماده سی ذیلنه توفیقاً بدیشر سنه
 مدتله کورکه قونلملرینه حکم اولنم دیغنی حاوی
 اولوب تبلیغنامه ده دخی ایلک قسم محاکمه
 ضبطنک و بومحاکمه نك یوم اخره تعلیق اولنم دیغنه
 دائر اولان قرارک زیری امضا ایله تصدیق
 قلمیه رق بش ای صکره دیگر قسم محاکمه
 اجرا اولنمش و برمحاکمه ضبطنک بویله امضاسنر
 براغلمسی اصول محاکمات جزائیہ قانوننک اوچیوز
 اون التبعی ماده سی مفهومیله مخالف اولدینی
 کبی حکم واقعک مستند اولدینی اسباب دخی
 مدعینک تشخیص اتمسی و متهملرک افاده لرنده
 مبیانت بولنمسی و مدعینک بعض اشیاسنک



متهملرك ببتوت ايتدكلى او طهده بولنمى
ماده لرى اولوب انجق صورت تحقيقاته كوره
بواشيا ماده سى الك اساسلى امارات قاطعه دن اولدينى
خالده اشياى مذكوره نك مدعينك مالى اولوب
اولديغك تحقباقنى ومتهملرك بواشياى نه وجهله
ونه سببله اوراده براقش اوله جقلىرىك واشيانك
اوراده نه صورتله بولنمش اولديغك تحقباقنى
نقصان براغلمش اولسنه مبنى اعلام مذكورك
نقضى طلب اولنمشدر

اوراق سائره دخى قرائتله تدقيقات تميزيه
لدى الاجرا مامورين مشار اليهانك تبليغنامه سنده
مندرج اعتراضات بجا ونقض حكى موجب
اسباب قانونيه دن كورلديكندن اصول محاكمات
جزائيه قانونك اوچيوز اون دردنجى ماده سنه
توفيقاً اعلام مذكورك نقضه وايكيوز غروس
اعلام خرجنك بالتحصيل محكمه تميزه لزوم
ارسالنه قرار ويرلدى

فى ۲۱ رجب سنه ۳۰۹

وفى ۸ شباط سنه ۳۰۷

بايزيد سنجاغى بدايت محكمه سى جزا
دائرة سنك ۷ ربيع الاول سنه ۳۰۸ و ۹ تشرين اول
سنه ۳۰۶ تاريخ واللى نومرولى اعلاميا اوراق
مفترعه سى باش مدعى عموميلك ماموريت
عليه سنن ۲۶ ربيع الاخره سنه ۱۰۹ و ۱۶
تشرين ثانى سنه ۳۰۷ تاريخ واوج بيك درتيوز
يكرمى طقوز نومرولى تبليغنامه ايله محكمه تميز
جزا دائرة سنه كوندردلديكندن طالعه
اولندى .

اعلام مذكورك مفادى عبدى زرينك
او كوزلر ينى غضب وعثمان اوغلى حسنى قتل ومحمد
اوغلى على وحسين اوغلى يوسفى جرح ايدكلى
ادعا اولنمشندن طولايى جنايتله اتهام اولنان
اشخاصدن اوفو اوغلى حسين ومصطفانك وجاهاً
وفرارده بولنان قتلو اوغلى حسين ومحمود وخديدا
وعبدى وطاهر ويوسف ومحمدك غياباً اوچر
سنه مدته كوركه قونلمرينه حكم اولنديغى حاوى
اولوب تبليغنامه ده دخى ماده قتلك فاعل مستقل
تعين ايتدكجه ديكرينك معين اعتبارى فعده
قانونيه مخالف اولدينى جهتله معين قاتل ديبلانلرك
ثابت اولان سائر فعللرندن طولايى مجازتلىرينه
حكم اولنمى اقتضا ايدركن بوندن ذمول

اولنمش ايدوكندن و برده مجرمت قرارنده
دلائل نظاميه تغيير مبهمك استجمالى دخى مغيار
اصول اولديغندن واعلامده اكثريت واقليت آرا
صاحبلىرىنك اساميسنك تصریحى دخى جائز
اولديغندن بختله اعلام مذكورك حكم وجاهى
جهتلك تقضى طلب اولنمشدر .

حكم وجاهى جهتندن طولايى تدقيقات تميزيه
اجرا اولندوقده ماموريت مشار اليهانك تبليغنامه سنده
مندرج اعتراضات ايله برابر اوچيوز دردنجى
ماده موجبجه مجرميت وتحميد جزا قرارلرى
هيئت حاكمه طرفندن امضايه تحت تأمينه النامش
اولمى تقضى مستلزم اسباب قانونيه دن بولنديغندن
اصول محاكمات جزائيه قانونك اوچيوز اون
دردنجى ماده سنه توفيقاً اعلام مذكورك نقضه
وايكيوز غروش اعلام خرجنك اخذ واستيفاسيله
محكمه تميزه لزوم ارسالنه ۱۶ كانون ثانى سنه ۳۰۷
تاريخنده قرار ويرلدى .

فى ۲۶ رجب سنه ۳۰۹

وفى ۱۳ شباط سنه ۳۰۷

دكركلى سنجاغى بدايت محكمه سى جزا دائرة سنك
۴ صفر سنه ۳۰۹ و ۲۵ اغستوس سنه ۳۰۷
تاريخ ويكرمى سكر نومرولى اعلاميله اوراق
مفترعه سى باش مدعى عموميلك ماموريت
عليه سنن ۲۶ جمادى الاخره سنه ۳۰۹ و ۱۵
كانون ثانى سنه ۳۰۷ تاريخ ودرت بيك اوچيوز
يكرمى طقوز نومرولى تبليغنامه ايله محكمه تميز جزا
دائرة سنه كوندردلديكندن او قوندى .

اعلام مذكورك مالى بولدان قضا سنده مقيم
علايه لى منلامصطفانك قتلندن طولايى جنايتله اتهام
اولنان يكيجه قريه لى سرايكويلى اوغلى سليمان ايله
تپه چفتلكنده ساكن چركس حسن اوغلى
محمد عليك قتل مذكوره مشتركاً ومن غير متعمداً
اجتسارلرى عندالحاكمه ثابت اولديغندن مجرميتلىرينه
وقانون جزانك قرق بشننجى ويوز تيمش دردنجى
ماده لرينه توفيقاً اون بشر سنه مدته كوركه
قونلمرينه حكم اولنديغى حاوى اولوب تبليغنامه ده
دخى متهملرك مجرميتلىرى هيئت حاكمه نك تحت
تقديرينه كيرمش ايسه ده مقتولك بر قورشون
ياره سنن متأثر اوقات ايتمش اولسنه نظر اتمهلر دن
مذكور قورشونى هانكيسى اتمش ايسه ده قاتل
اولوب ديكرينك حركتى قتل قصديه سلاح اتمق

درجه سنده قاله جفنه و بوقسه قنيسنك قاتل اولديني
تظاهر ايتديكي حالده هرايكيسنه قاتل جزاسي
حكمتي ايله قاتل اوليان دخی او درجه ده
ذيمدخل طوتلمش ديمك اوله رق بوايسه احتمال
شقينده اخف جهنتك التزامي حقتده اولان قواعد
كليۀ قانونيه به مغاير اوله جفنه مبنی تعميق تدقيقات
ايله اصلاح حکم ايدلمك اوزره اعلام مذکورک
نقضی طلب اولنمشدر.

اوراق سائرہ دخی قرائتله تدقيقات تميزيه
لدی الاجرا تبليغنامه ده سرد و تعداد ايديلان
اعتراضات وارد و بجا و نقض حکمی موجب اسباب
قانونيه به مستند اولديغندن اصول محاکمات جزائيه
قانوننک اوچيوز اون دردنجی ماده سنه توفيقاً
حکم مذکورک نقضنه و ايکيوز غروش اعلام
خرجنک بالاستيفاف محکمۀ تميزه لزوم ارساله
فی ۳ شباط سنه ۳۰۷ تاريخنده قرار
ويرلدي .

فی ۲۸ رجب سنه ۳۰۹
وفی ۱۵ شباط سنه ۳۰۷

بنغازی بدایت محکمہ سفک ۲ جمادی الاولى
سنه ۳۰۸ و ۵ کانون اول سنه ۳۰۶ تاریخ
ویوز طقسان درت نومرولی اعلامیه اوراق
متفرعہ سی باش مدعی عموميک مأوریت
عليه سندن ۱۰ صفر سنه ۳۰۹ و ۲ ایلول
سنه ۲۰۷ تاریخ وایکيک یوزاللی درت نومرولی
تبليغنامه ايله محکمۀ تميز جزا دائره سنه ويرلديکندن
اوقوندی

اعلام مذکورک مالی مسعود بنت محمدک
قتلی و برادری علينک مجروحاً وفاتی ماده لرندن
طولايي اتهام اولنان کيلانی محمد فيلوعغنه نک رجاهاً
و ابراهيم بن عبد القادر ابو الخیرک غياباً اون بشر
سنه مدته کورکه قونلملرينه قرار ويرلديکنی
حاویدر تبليغنامه مندرجاتی محاکمه ضبطنامسنک
قسملری زیرينک امضا ايله تسديق اولنسيوب
اچق براغلمش اولسی اوقسم محاکمه لرك صورت
سالنده جريانی تأمین ایدن و اصول محاکمات
جزائيه قانوننک اوچيوز التنجی ماده سنده محرر
بولنان قاعده به منافی اولديغنه ومع مافیه وکيلک
مدافعاتی ایچون اعلامده قانون دائره سننده
اولديني ایچون ردینه تعبيرينک استعمالی دخی
اصطلاحات قانونيه دن کور یله مدیکنه و اسباب
نبوتيه دن اولق اوزره بحث اولنان قرآن قاطع نک

نه کبی شیلر ایدوکی تعداد و توضیح و متهملرک
درجه فعل و تعدیلر یله اسباب جرم دخی ایضاح
ایدلديکندن طولايي اعلامک نقضی طلبی
متضمندر

اوراق سائرہ دخی قرائتله وجاهی حکمنک
تدقيقات تميزيه سی اجرا اولندقدہ تبليغنامه ده
مندرج اعتراضات مصيب و بجا کورلمکله اصول
محاکمات جزائيه قانوننک اوچيوز اون دردنجی
ماده سنه توفيقاً حکم مذکورک نقضنه و ايکيوز
غروش اعلام خرجنک بالاستيفاف محکمۀ تميزه
لزوم ارساله ۱۴ کانون اول سنه تاريخنده قرار
ويرلدي

فی ۸ شعبان سنه ۳۰۹
وفی ۲۴ شباط سنه ۳۰۷

کوتاهیه سنجاغی بدایت محکمہ سی جزا
دائرہ سنک ۱۷ ربیع الاول سنه ۳۰۹ و ۸
تشرین اول سنه ۳۰۷ تاریخ و اون بر نومرولی
اعلامیه اوراق متفرعہ سی باش مدعی عموميک

مأوریت- عليه سندن ۱۰ جمادی الاخره سنه
۳۰۹ و ۳۰ کانون اول سنه ۳۰۷ تاریخ و درت
بيک یوز اون نومرولی تبليغنامه ايله محکمۀ تميز
جزا دائره سنه کوندرلديکندن اوقوندی

مذکور اعلام مالی اسکيشهر قصبه سننده
واقع اورته محله لی ددک اوغلی محمدک قتلندن
طولايي اتهام اولنان محله مذکورہ لی اسکيجی
چاوش اوغلی محمد علينک اثنای منازعه ده قتل
مذکورہ اجتناساری عندالمحا که ثابت اولديغندن
مجرمیتنه و قانون جزانک یوز یتمش دردنجی
ماده سنه توفيقاً اون بش سنه مدته کورکه قونلمسنه
حکم ارلنديني حاوی اولوب تبليغنامه دخی مقبول
مرقومک بارکیرینی اخيره ترکله و میشه آغاجی
طليله متهمک اوزرینه هجومند متهم مرقوم
قاچهرق کندی خانہ سی دیوارندن آشمش ایکن
مقتولک یته تعقیبه دوام ايله متهمک خانہ سنک
قبوسنی زورله آچهرق ایچروسنه دحول و ذاتاً
یدنده بچاق بولنان متهم مرقومه هجومده دوام
واصرار ایتمش اولسی سوء مقصددن يشقه بر
جهته محمول اولميجنی جهته متهم مرقومک
بوابده کی معذرتی درجه سنک مذا کره سی و تقدیری
لازمه دن ایکن نظر دفته التماس و بناء علیه لایحه
تميزيه سندرجاتی بو طریقه اساساً بجا کورنمش
اولديغندن اعلام مذکورک نقضی طلب اولنمشدر

تمیز جزا دائره سنه کوندرلدیکندن مطالعه اولندی

مذکور اعلام مالی عونیه قضاسنه تابع عوز قریه سی اهلایسندن ملا محمدک وقوعبولان قتلندن طولای وجاهاً و غیباً جنایتله اتهام اولنان درت شخصک محکومینلرینه دائر مقدمات ویریلان اعلام اسباب قانونیه به منی نقض ایله اعاده قلمسی اوزرینه قریه مذکورلی شیخی بن اوس ایله فراری رفیقلمرینک اخیراً اجرا قتلان محاکمه رنده قانون جزانک یوز یتیمش بشنجی ماده سنه طبقاً اوچر سنه مدته کورکه قونلمرینه وجاهاً و غیباً حکم اولندیغنه دائر در تبلیغنامه ده دخی درت کشیدن عبارت اولان اشخاص هاجه نیک انداخت ایتد کوری تفشکرک بالکر بریسنک قورشونندن فعل جرح و قتل واقع اولسی جهته مرقوملرک جمله سنه فاعل مشترک نفریله باقلمسی جائر اوله میه جفندن بحثله جمله سنه معین قاتل جزاسی حکم اولنمش وواقماً مرقوملردن مقتولی جرح ایدن قورشونی اتان قنغیسی ایسه انک قاتل اولسی لازم کلرک ماده جرحده فعلاً مدخللری اولیانلرک دخی قتلله نشریکی مغایر بقانون و محکمه نیک برابده اولان ذهابی صواب ایسه ده قاتل تعیین ایتدکجه اکا معین اعتباریله جزا تعیینی دخی اساساً مخالف قانون

اوراق ساثره دخی قرائتله تدقیقات تمیزیه لدی الاجرا تبلیغنامه تعداد و سرد ایدیلان اعتراضات ایله لایحه تمیزیه مندر جاتی بجا و نقض حکمی موجب اسباب قانونیه به مستند بولندیغندن اصول محاکمات جزاییه قانوننک اوچوز اون دردنجی ماده سی موجبجه حکم مذکورک نقضه وایکیوز غروش اعلام خرچنک بالاستیفا محکمه تمیزه لزوم ارسالنه ۲۵ کانوج ثانی سنه ۳۰۷ تاریخده قرار ویرلدی

فی ۲۶ رجب سنه ۳۰۹
رفی ۱۷ شباط سنه ۲۰۷

ماددین سنجانی بدایت محکمه سی جزا دائره سنک ۱۷ ذی القعدة سنه ۳۰۸ تاریخ و یوز یتیمش ایکی نومرولی اعلامیه اوراق متفرعه سی باش مدعی عمومیلک مأموریت علیه سندن ۲۹ ربیع الاول سنه ۳۰۹ و ۲۱ تشرین اول سنه ۳۰۷ تاریخ وایکیویک طقوز یوز سکسان درت نومرولی تبلیغنامه ایله محکمه

اولدیغندن بو حالدده برقات دها تعمیق تدقیقات ایدیلرک اصل قاتلک عدم تظاهری حالنده مرقوملرک یالکر حرکت نابتلری درجه سنده مجرمیت و مجازاتلرینه قرار ویرلمسی احکام قانونیه نیک متهمک لهنه تفسیری قاعده کلیه سنه موافق دوشه جکندن بووجهله اصلاح حکم ایدلمک اوزره اصول محاکمات جزاییه قانوننک اوچوز اون دردنجی موجبجه اعلام مذکورک وجاهی جهتنک نقضی طلب اولنمشدر

سائر اوراق دعوی دخی قرائتله حکم وجاهیدن طولای تدقیقات تمیزیه اجرا اولدیقده مأموریت مشار الیه نیک تبلیغنامه سنده در میان اولنان اعتراضات نقض حکمی موجب اسباب قانونیه دن کورلمکله بر موجب طلب اعلام مذکورک حکم وجاهی جهتنک نقضه وایکیوز غروش خرچ اعلامک بالتحصیل محکمه تمیزه ارسالی لزومنه ۶ کانون ثانی سنه ۳۰۷ تاریخده قرار ویرلدی

فی ۷ شعبان سنه ۲۰۹
وفی ۲۷ شباط سنه ۲۰۷

حلب ولایتی استیناف محکمه سی جزا دائره سنک ۵ ربیع الاخر سنه ۳۰۸ و ۵ تشرین ثانی سنه ۳۰۶ تاریخ و یوز قرق ایکی نومرولی اعلامیه اوراق متفرعه سی باش مدعی محومیلک مأموریت علیه سندن ۲۹ صفر سنه و ۲۱ ایلول سنه ۳۰۷ تاریخ وایکیویک بشیوز قرق الی نومرولی تبلیغنامه ایله محکمه تمیز جزا دائره سنه ویرلدیکنندن مطالعه اولندی

اعلام مذکورک مالی ادلب قضاسنه تابع اتس قریه سی اهلایسندن شیخ دباب بن محمد القاسمک وقوعبولان قتلندن طولای جنایتله اتهام اولنان قضاء مذکوره تابع سرمین قریه سی اهلایسندن محمد بن محمد شیخ اسماعیلک اجرا قتلان محاکمه علیه سنده قتل مذکوره جرأتی ثابت اولدیغندن مجرمیتنه وقانون جزانک یوز یتیمش دردنجی ماده سنه توفیقاً بعد التشهیر اون بش سنه مدته کورکه قونلمسنه حکم اولندیغنی حاویدر

تبلیغنامه ده دخی قسماً جریان ایدن محاکمه ضبطی امضاسز براغلمش ومع مافیه حکم واقع اخباراته مبتنی اولدیغنی حالده بو اخباراتک ندن عبارت اولدیغنی اعلامده تصریح اولنماش و کرجه افادات شهودک عدم تفسیری حالنده محاکمه ضبطنامه سنه درجی ایجاب ایتز ایسه ده حکم

اسامی آنخان اولنان شهادت و اختیارانک کیفیات و درجاتک هر حالده اعلامه درخی حکم قانون اقتضاسندن بولنمش اولغله اعلام مذکورک نقضی طلب اولنمشدر

سائر اوراق دعوی دخی قرائتله تدقیقات تمیزییه ابتدار اولندوقده مأمورین مشار الیهانک تبلیغنامه سنده کوستریلان اعتراضات بجا و نقض حکمی موجب اسباب قانونیه دن بولنمغله اصول محاکات جزائیه قانوننک اوچوز اون دردنجی ماده سی موجبجه اعلام مذکورک بر موجب طلب نقضه و اعلام خرجی اولان ایکوزغروشک بالتحصیل محکمه تمیزه لزوم ارساله ۲۸ کانون اول سنه ۳۰۷ تاریخنده قرار ویرلدی

۱۱ شعبان سنه ۳۰۹
وفی ۲۷ شباط ۲۰۷

(اوچوز اتی سنه سی جزیرانک اون یدنجی)

(کیجه سی صاری یارده واقع عمرافندینک بقل)
(دکانشده جرح اولنهرق متأثراً وفات ایلن)
(ابراهیمک کیفیت قتلندن طولایی مظنون غلبه)
(اولان بالقجی امین و برادری بازارقایقجیسی)
(کور محمدک اجرا قلنان محاکمه علیه لری)

(ضبطنامه سی صورتیدر)

— مابعد —

بیجرم اولغله برائت ذمته قرار ویرلسنی و وکیل قصاب افندی دخی موکلی محمدک کوملکنده کیلکه توفیقخانه ده یاندینی اثنا ده حیوانات مضر دن بریسنک تلف اولمسیله بولاشمی احتمالی اولدینی کبی ده پاک چوق احتمالاتده بولنه جغنی و اگر انسان قانی اولسه یالکز کوملکنده اولیوب مائر البسه سنده دخی اولق اقتضا ایده جکنی و علی الخصوص مخبرلردن دللال احمدک افادی طوغری اولوب موکلی النده قنار اولدینی سالد قتلله جرأت ایتش اولسه ابراهیمک طابسی و موکلنکده بولسه خبر کوندرامسی لازمکله جکینی و موکلنکد وقعه صباحیسی تلاشلی بولندیغنه اثر عربجه احمدک اخباری دیگر شاهدلر طرفدن تکذیب اولندیغنی ومع هذا تلاشلی بولنسه دخی

دادامکه اوتهدنبرو پاره سنی قراندینی وایولکنی کوردیکی بقال عمر افندینک آدمک قتلندن متأثر اولماق قابل اوله میه جغنی و موکلنک بوبابده سابقه سی اولدیغندن برائت ذمته قرار ویرلسنی طلب ودرمیان ایتملریله ولدی السؤال طرفینک بشقه بر دیه جکلری اولدینی اکلشلمغله محاکمه نک ختام بولدینی بیان اولنهرق مذاکره او طه سنه کلندی .

طرفینک ادعا و مدافعاتنک استماعندن و اوراق تحقیقیه نک مطالعه و تدقیقندن صکره ایجاب کیفیت لدی التأمل عندالمحاکمه حاصل اولان احوال متهملردن محمد حقنده تجریمی ایچون تأمین وجدانه کافی کور یله مدیکندن تجریمنده اکثریت ثلثان آرا حاصل اوله مدینی جهته برائت ذمته و امین هر قدر انکار تهمت ایتمکده و وکیلی دخی بوجه مشروح مدافعه ایلمکده ایسه لرده مرقومک وقعه کیجه سی اوروزک خانه سنده بولندیغنی پولیس دائره سننده اخبار ایدلدیکی حالده مرقومک اولا وقعه کیجه سی ساعت ایکیده برادرلری و محمد چاوش ایله برلشوب او طه یه کلهرک یاندققرینی و مؤخرآ برادرلری اولجه او طه یه کلوب کندوسی ساعت اوچ بچقده کلهرک انلری او یقوده بولدیغنی و ساعت سکرده

قالقوب محمد چاوش و برادری عثمان ایله باغنه کتدکری نی یکدیگره مبین سو یلمسنه و صباحلین مرقومک باغنه کتدکری حقنده کی بواقاده سی محمد چاوش و عثمان طرفلردن تکذیب اولندیغنی کبی مؤخرآ مرقومده بالاده محرر افاده سنندن نکول ایدرک کرک استنطاق و کرک محکمه حضورنده وقعه اقشامی اوروزک خانه سننده بولندیغنی اصرار ایتمسنه و مرقومک او طه سنندن ظهور ایدوب بازورنال کوندریلان و حضور محکمه ده کندوسنه ارانه اولنان اشیانک کندوسنک اولدیغنی سویلدیکی حالده بطانیه مرقومک اولدینی برادرلری طرفندن اخبار ایدلمش اولدینی کبی برنجی محکمه اثناسنده دخی اشیای سائرده دن بوغچه ایله بطانیه کندوسنک اولدیغنی و اک صوک محکمه ده ینه اشیای مذکوره میاننده بولنان بیاض بر پانطلونک دخی کندیسنک ایدوکنی اولکی انکارینه مبین اوله رق اقرار و اعتراف ایلمسنه و اشیو اعتراف ایتدیکی اشیان پانطلونک اوزرنده کی لکه نک بالق لکه سی اولدیغنی و بوغچه و بطانیه ده کی قان لکه لرینک دخی صکره دن اولمش ایدوکنی بیان ایله کتم حقیقت ایتمسنه و مقتل یاننده بولنان آشچی دکاندن مرقومک اقامتگاه ی بولنان او طه سنه قدر الک تماسیله حاصل اولمش قان لکه لری مشاهده اولندیغنی اوراق

میاننده اولوب قرائت ایدیلان ژورنال و معاینه راپورتلری مندرجاتندن اکلشلمسینه و وکیل مومی لیهک مدافعاتنه کنجه دیوار و قابلمه لرده اولان دم بولاشقلرینک قصابلر طرفندن و قوعی حقنده کی اعتراضی مذکور لکه لک مقلک اتصالیده اولان آشچی دکانی قابلمه سندن اقامتکاهی بولنان متهم مرقومک او طه سنه قدر اولسی و او طه سنده دخی دملی اشیا بولنمسی ایله مردود اولدینی کبی متهمک افادات متباینه سنک جهله استنادی دخی اعذار قانونیه دن بولنماسینه و و قعنه ک کیجه قرا کلقده و قوعی جهتیه مقتولک جار حلی بی تعیین ایتماش اولسی موکلنک عدم مدخلنه دلیل اوله میه جغه و ققتل اولان دکانده اتچه ظهور ایتماسی و اوروزک خانه سنده بشقه بر مقصده مبنی بولنمسنک اول امرده اوراده بیتوتی انکار ایچون بر سبب معقول بولنماسی جهتلرله بو بایده کی اعتراضاتک دخی غیر وارد بولنمسنه بناء مرقومک انکاری واهی و وکیل مومی لیهک مدافعات مذکورده سی دخی بالوجوه مردود اولوب بر منوال محرر اسباب ثبوتیه مذکورده به نظر آ مرقوم امینک ادعا اولدینی و جهله فعل قتلی ایقاع ایلدیکی تحقق ایتدیکندن مجرمینه اکثریت ثلثان آرا ایله و برائتته قرار ویریلان مرقوم کور محمدک سبب آخزه مبنی

موقوف دکل ایسه تخلیه سبیلنه متفقاً قرار ویرلدی .
 اشبو قرار محاکمه او طه سنه چیقیلهرق ظناً طرفینه تفهیم اولدوقده معاون مومی ایله ممدوح بک مجرم امینک حرکتی قانون جزانک یوزیتمش دردخی ماده سنه موافق اولدیفندن اولوجهله تحدید و وکیل استپان افندی دخی تخفیف جزاسنی طلب ایتملرله مذاکره او طه سنه عودت اولنهرق بو جهت حقنده دخی مذاکره کیفیت اولدوقده مجرم امینک فعل قتلی سرقتی برای اجرا ایقاع ایلدیکی جهله حرکتی قانون جزانک یوزیتمش دردخی ماده سنه موافق اولدیفنه و ماده مذکورده دخی برکیمسه من غیر تعمد بر شخصی اتلاف ایتمش ایسه اون بن سنه مدتله کورکه قونیلور فقط اشبو تلف نفس قضیه سی آخر بر جنایتی اجرا ایدرکن یا قبل اجرا و یا بعد اجرا و یا خود بر جنحه بی برای اجرا و قوعبولش ایسه اتلاف نفس ایدن شخص قانوناً اعدام جزاسیله مجازات اولنور دیو محرر بولندینه مبنی بوماده حکمنه توفیقاً اون طقوزنجی ماده قانونیه منطوقنجه بعدالتشهر مرقوم امینک اعدانه واستنطاق و ضبط و اعلام خرچلرله خدمه اجرت قدیمه سی اولان جمعاً ایکوز غر و شت

مرقومدن بالتحصیل عدلیه وزنه سنه تسلیم ایتدیلمسینه اکثریت ثلثان آرا ایله قرار ویرلدی .

اشبو قرار دخی محاکمه او طه سنه چیقیلوب عاناً قرائت و تفهیم ایله برابر اصول محاکمه جه معین اولان معاملات سائر افا و محمد حقنده تخلیه سبیل مذکورسی تسطیر و اعطا قلندی .

فی ۳۱ تشرین ثانی سنه ۳۰۷

- (بیک اوچوز اوچ سنه سی رمضان شریفک)
- (یکریمی برنجی چهارشنبه کیجه سی طبانجه)
- (قورشونیه اتلاف ایدلمش اولان قاسم پاشاده)
- (طویجیلر ایچنده ساکن ترسانه عامره یوز)
- (باشیلرندن محمد اغانک کیفیت قتلندن طولایی)
- (اتهام ایدلمش اولان عساکر بحر به سلکندن)
- (مطرود چاچه محمدک اجرا قناین محاکمه)
- (عانیه سی ضبطنامه سی صورتیدر)

بیک اوچوز اوچ سنه سی رمضان شریفک

یکریمی برنجی چهارشنبه کیجه سی طبانجه قورشونیه اتلاف ایدلمش اولان قاسم پاشاده طویجیلر ایچنده ساکن ترسانه عامره یوز باشیلرندن محمد اغانک کیفیت قتلندن طولایی اتهام ایدلمش اولان عساکر بحر به سلکندن مطرود چاچه محمدک اون بن سنه دت کورک جزاسیله محکومینه دائر محکمه جنایتدن ویریلان اعلام اسباب قانونیه به مبنی محکمه تمیز جزا دائره سنک ۲ ایلول سنه ۳۰۵ تاریخ و ۱۲۵۵ نومرولی اعلامیه نقض اولنهرق ۲۱ نیسان سنه ۳۰۷ تاریخده محکمه جنایتته اعاده و تودیع قلمغله اصول محاکمات جزایشه قانوننک اوچوز قرقچی ماده سنه توفیقاً تشکیل طرفین ایدیلهرک منقوض اولان جهنک تدقیقی ضمننده بیک اوچوز یدی سنه سی حزراننک اون ایکنجی چهارشنبه کونی مرقوم چاچه محمد قانون دائره سنده حبسخانه عمومیدن کتوردیلهرک و کبلی رجائی افندینک مأموریتله طشره به کتدیکی جهتله محکمه زنده بولنان دعوی وکیللرندن قصبار افندی مرقوم چاچه محمده جانب محکمه دن وکیل تعیین قلنهرق اولبایده کی اوراق دعوائی بالمطالعه مدافعه به حاضر اولدینی سوبلد کد نصره موکلنک یاننده اولدینی ومدعی عمومی معاونلرندن ممدوح بک دخی حاضر بولندینی حالده محکمه تمیز

اعلامی ضبط کاتبی رفعت بکه قرائت
ایتدیرلدی .

ذکر اولنان محکمه تمیز اعلامنک مالی هیئت
محکمه بی تشکیل ایدن اعضادن بر ذات مجرمیت
قرارنده مخالف اولدیغنی بیان ایتمش ایسه ده
اسباب مخالفتی تصریح ایتماش و تحدید جزا
جهتده دخی كذلك مخالف رأیده قالمش اولسنه
بناء میدر یوقسه تطبیق قلنان جهتدیمدر بورالری
اکلاشیله مدیفندن اعلام مذکورک اکثریتله نقضه
قرار ویرلدیکنی میندر .

بونک اوزرینه معاون مومی الیه ممدوح بکن
ادعاسی صورلدقده محکمه جنایت اعلامنک نقضی
موجب اولان سبب اساساً مجرمیت و تحدید جزا
قرارلرنده مخالف قالمش اولان اعضادن برذاتک
مخالفتی مجرمیت قرارنده کی مخالفتدنی یوقسه
بزیسبب آخردن می ایلر و کلدیکی کوسترلامسندن
عبارت اولوب مع مافیج مجرمیت قراری باقی وغیر
منقوض ایدوکندن محاکمه نک تحدید جزا جهتده
حصرایدلسنی و وکیل مومی الیه قصابرافندی دخی
جنایت محکمه سی طرفندن ویریلان حکم نقض
اولندقدن صکره حکم مذکور کائن لم یکن حکمنده

قاله جفندن و بناءً علیه بو حال مجرمیت قرارینک
دخی منقوضیتی تضمن ایده جکندن محاکمه ک
یکیدن اجراسنی طلب ایتلمر یله مذاکره او طه سنه
کلنرک ایجابی لای المذاکره تمیز اعلامنک صورت
تحریرینه نظراً مجرمیت قرارینک باقی وغیر منقوض
ایدوکنه و یالکز جهت جزائیه سنک اکیمالی
لازم کله جکنه اکثریت ثلثان آرا ایلر قرار ویریلرک
محاکمه او طه سنه عودتله طرفین حاضر اولدیغنی حاله
بعداً تفهیم معاون مومی الیه دن اساس حقیقه کی
ادعاسی صورلدقده مرقوم چاچه محمدک قانون
جزانک یوزیتمش دردنجی ماده سنک فقره اولیسه
توفیقاً تعیین مجازاتی و وکیل مومی الیه دخی
جزاسنک تحقیقی طلب ایتلمر یله ولدی السؤال
طرفینک بشقه بر دیه جکلی اولدیغنی اکلاشلمغه
محاکمه نک ختام بولدیغنی بیان اولنر ق مذاکره
او طه سنه کلندی .

جهت جزائیه سی مذاکره اولندقده مرقوم
چاچه محمدک حرکتی قانون جزانک یوزیتمش دردنجی
ماده سنک فقره اولیسنه موافق اولدیغنه و فقره
مذکورده دخی برکیمسه من غیر تعمد بر شخصی
اتلاف ایتمش ایسه اون بش سنه مدتله کورکه
قونیلور دیوحرر بولندیغنه مبنی مرقومک بو حکمه

توفیقاً وابتدای توفیقی اولان اوچ یوز اوچ سنه سی
ذی الحجه سنک بشنجی کونندن اعتباراً اون
طقوزنجی ماده قانونیه منطوقنجه بعدالتشهر اون
بش سنه مدتله کورکه قونلمسنه و ضبط و اعلام
و استنطاق خر جلریله خدمه اجرت قدیمه سی
اولان جمعاً یوز او توز ایکی غروشک دخی مرقومدن
بالتحصیل عدلیه وزنه سنه تسلیم ایتدیرلمسنه اوچ یوز
سکر سنه سی ذی القعدة سنک اون سکرنجی کوننه
مصادف اولان اوچ یوز یدی سنه سی حزراننک
اون ایکنجی کونی متفقاً قرار ویریلرک قانونک
ارائه و تعریف ایلدیکی وجهله اصول تفهیمی ایفا
و اصول محاکمه جه معین اولان معاملات سائره دخی
اجرا قلندی .

اعلان

عطا بکک ۲۰۷ نومرولی اعلام موجبنجه
صاری یار اهالیسی وکیلی حاجی راشد اقلدی به

محکوم به دینی اولان معلوم المقدار مبالغک
تسویه سیچون صاری یار یکی محله سی جاده سنده
پدری متوفی طاهر افندی دن انتقالاً متصرف
اولدیغنی یوز طقوز نومرولی بر باب ماخلفخانه سی
تاریخ اعلاندن اعتباراً اون بش کون صکره
بالمزایده فروخت ایتدیریلرکی بک اوغلی بدایت
محکمه سی اجرا مأموریتی جانبندن اعلان اولنور

فی ۲۶ سنه ۲۰۷

اکاه بکک ۲۰۷ نومروسیله مقید در سعادت
بدایت محکمه سی برنجی حقوق دائره سنک اعلامی
موجبنجه خفاف اصنافندن محمد اغا ذمتنده
الاجتی اولان معلوم المقدار مبالغک تأمین
استیفاسیچون محجوز اولان صاری نیون محله سنک
خطب قبوسی جاده سنده کراسته جیلر قارشوسنده
واقع تخمیناً او توز ارشوندن عبارت اولوب
در تیوز او توز بش نومرولی بر قطعه محترق دکان
عرصه سنک یوز یکریمی سهم اعتبار یله مدیون
مرقومک عهده سنده بولنان اون سهمنک تاریخ
اعلاندن اعتباراً اون بش صکره بالمزایده فروخته

تشبث اولنه جنی در سعادت اعلامات نظام اجرا
دائرة سندن اعلان اولنور

فی ۵ مارت سنه ۲۰۸

عایشه صدیقه خانمك الفت خانم ذمتنده
با اعلام الاجنی اولان مبالغه استیفا سی ضمتنده
تحت حجزه النان اسکدارده التونی زاده محله سنده
کائن بر طرفی چایر اوکی بوستانی و بر طرفی حسن
بک بوستانی و بر طرفی مقابر مسلمین و طرف
رابهی طریق عام ایله محدود اوتوز دونم ترلانک
خانم مومی ایها عهده سنده بولنان نصف
حصه سی عند المزایده لیرا یوز غروش حسابیله
بشبیك در تیوز غروشده طالی عهده سنده تقرر
ایدرك تاریخ اعلان اعتباراً بر ماه ختامنده
قرار قطعیمی ویریله جکی جهتله یوزده بش
ضمیله زیاده یه طالب اولنلرك مدت مذکور
ظرفنده اسکدار بدایت محکمه سی اجرا دائره سنه
مراجعت ایلمری اعلان اولنور

فی ۵ مارت سنه ۳۰۸

ارداق موسیقیان افندیك اغوب اغا ذمتنده
با اعلام آله جنی اولان مبالغه مقابل داین ترنده
مرهون اولان ایکی عدد الماس یوزک تاریخ اعلاندن
اعتباراً اوچکون صکره یعنی شهر حال روبنک
یکرمی بشنجی چهارشنبه کونی ساعت بشده
دائرة جه تعیین قلنان مأمور مخصوص معرفتیله
در سعادتده قیو مجیلر چارشو سنده بالمزایده فروخت
اولنه جغندن طالب اولنلرك یوم و وقت مذکورده
محلته عزیزمتله مأمور مومی ایها مراجعت ایلمری
اسکدار اجرا دائره سندن اعلان اولنور

فی ۲۱ مارت سنه ۲۰۸